

Broj: 09-07-6-2112-1/06

Sarajevo, 22.02.2006. god.

**Stranka demokratske akcije
Ul. Mehmeda Spahe br. 14
n/r gospodin Sulejman Tihić, predsjednik**

Predmet: Dodatak na preliminarni Izvještaj o reviziji


U prilogu dopisa dostavljamo Vam Dodatak na preliminarni Izvještaj o reviziji godišnjeg i postizbornog finansijskog izvještaja Stranke demokratske akcije za 2004. godinu.

Molimo Vas da u roku od tri (3) dana dostavite primjedbe na nalaze navedene u Dodatku na preliminarni Izvještaj o reviziji. Ukoliko u ostavljenom roku ne dostavite primjedbe u pismenoj formi smatrat ćemo da nemate primjedbi na sadržaj Dodatka na preliminarni izvještaj o reviziji.

S poštovanjem,

Predsjednik Izborne komisije BiH

Branko Petrić



Dostavljeno:
-naslovu
-a/a

IZBORNA KOMISIJA BOSNE I HERCEGOVINE
SLUŽBA ZA REVIZIJU FINANSIJSKOG POSLOVANJA
U IZBORNOJ KOMISIJI BIH

Na osnovu člana 14. stav 1. Zakona o finansiranju političkih stranaka ("Službeni glasnik BiH", br. 22/00) i člana 24 Pravilnika o godišnjim finansijskim izvještajima političkih stranaka (Službeni glasnik BiH, br. 10/04) izdajem

**DODATAK NA PRELIMINARNI IZVJEŠTAJ
O REVIZIJI GODIŠNJEG I POSTIZBORNOG FINANSIJSKOG IZVJEŠTAJA
STRANKE DEMOKRATSKE AKCIJE
ZA 2004. GODINU**

Broj: 09-07-6-2112-1/06

Sarajevo, februar 2006. godine

Stranka demokratske akcije se dopisom broj 06-021-14/06 od 16.01.2006. godine očitovala na Izvještaj o reviziji godišnjeg i postizbornog finansijskog izvještaja Stranke demokratske akcije za 2004. godinu. Za određeni broj nalaza data su dodatna objašnjenja i dostavljena je prateća dokumentacija. Utemeljene primjedbe smo uvažili.

Međutim, prilikom razmatranja primjedbi SDA na nalaze revizije uočili smo određeni broj čudnih knjiženja na računima dobavljača u zemlji pa smo iz tog razloga proveli dodatne revizijske procedure.

Razmotrili smo saldakontija dobavljača prema kojima je SDA imala veće obaveze, koje su zatvorene kao da su izmirene a nisu izvršeni prenosi sredstava sa transakcijskog računa stranke na račune dobavljača. Poredili smo podatke o neizmirenim obavezama stranke prema dobavljačima na dan 31.12.2004. godine sa podacima iz glavne knjige Centrale SDA i utvrdili da se salda obaveza prema pojedinim dobavljačima ne slažu. Iz tog razloga smo samo određenim dobavljačima stranke uputili konfirmacije za potvrdu stanja dugovanja SDA na dan 31.12.2004. godine. Konfirmacije smo dobili od Avaz-a d.o.o., AC Quattro-a d.o.o., Europlakat-a d.o.o., Holiday Inn-a i Fabulas-a d.o.o.

Na osnovu primljenih konfirmacija smo utvrdili da su dugovanja Centrale SDA otpisana kako slijedi:

<i>Dobavljač</i>	<i>Iznos dugovanja</i>
Avaz d.o.o	11.423,51 KM
AC Quattro d.o.o.	32.388,00 KM
Holiday Inn	35.786,00 KM
Fabulas d.o.o.	3.034,00 KM

Ukupan iznos otpisanih dugovanja Stranke demokratske akcije je **82.631,51 KM**.

Navedena otpisana dugovanja se u skladu sa odredbama člana 4. stava 1. Zakona o finansiranju političkih stranaka tretiraju kao pokloni dati stranci (nenovčane donacije), koje je revidirana stranka trebala prijaviti Izornoj komisiji BiH, odnosno iskazati ih u finansijskim izvještajima za 2004. godinu na.

Zatvaranjem obaveza prema dobavljačima na navedeni način SDA je u 2004. godini postupila suprotno odredbama sljedećih članova Zakona o finansiranju političkih stranaka:

▪ **Član 6. – Obaveza prijavljivanja priloga**

Ako ukupni iznos priloga jednog lica iz stava 1. člana 4. premašuje 100 KM, ta uplata se mora unijeti u finansijski izvještaj u skladu sa članom 11.

SDA nije u finansijskim izvještajima za 2004. godinu, dostavljenim Izornoj komisiji BiH, iskazala primljene nenovčane donacije u ukupnom iznosu od 82.631,51 KM.

Pojedinačni iznosi primljenih nenovčanih donacija premašuju 100 KM tako da je svaka pojedinačna donacija trebala u finansijskom izvještaju biti iskazana na obrascu 3-e (Nenovčane donacije i računi koje političke stranke nisu imale obavezu plaćati).

▪ **Član 5. stav 1. – Limit na visinu priloga**

Ukupan iznos jednokratnog priloga iz stava 1. člana 4. ne smije premašiti osam prosječnih neto plata prema zvaničnim podacima Agencije za statistiku Bosne i Hercegovine u jednoj kalendarskoj godini i ne smije se dodjeljivati više od jednom godišnje.

SDA je primila nenovčane donacije čiji pojedinačni iznosi premašuju 4.040,00 KM od sljedećih dobavljača:

Dobavljač	Iznos priloga	Limit prekoračen u iznosu
Avaz d.o.o	11.423,51 KM	7.383,51 KM
AC Quattro d.o.o.	32.388,00 KM	28.348,00 KM
Holiday Inn	35.786,00 KM	31.746,00 KM

Ukupan iznos premašenog limita na visinu nenovčanih donacija je 67.477,51 KM.

Nermana Maksumić, revizor

